



12228

吾

竹

小

稿



吾竹詩序

唐乾元中元結序篋中集有風雅不作幾及千
年之歎蓋爲沈千運獨挺於流俗而發柯山毛
元白詩人之秀者也通今達古著蔡後生採詩
之家得其一二如寶肆中犀璧混於螺貝惜其
以文自晦不求於時吟橐一帙章不盈百清深
雅正跡前事而寫芳襟深有沈千運獨挺一世
之作奚祇嘲弄風月而已哉千運之詩世不多
見元白馳軼駕於天壤閒豈不能接殊響於當
世我師古人喜而序之寶祐六年戊午四月八
日苧澤李龔和父

吾竹小臺序

一 讀畫齋正本

臨安府棚北大街睦親坊南陳解元書籍鋪刊行

吾竹小橐

柯山毛 珮 元白

西興

蚤暮船爭渡都城隔岸閒昔爲漁釣地今作利
名關潮探塵中事年催客裏顏水僊花又發吾
欲老江灣

寓池之清夷堂

堂靜草侵廊羈懷未易忘近城知郡圃有佛卽
僧坊惡句書盈壁空樽壘到牆使君臨寵外滿

吾竹小橐

一 讀書齋正本

日樹蒼蒼

送客遊吳

水鄉秋易冷珍重過吳松在旅雖難遣於詩莫
厭攻一輪僧寺月半夜客船鐘況有賢州牧知
音是舊逢

小至

九地陽初動披衣起擁鑪門前初去馬窗外漸
啼烏雲色呈金未梅梢破玉無焚香待天曉點
易自研朱

廬山棲賢寺

名重於諸刹前賢舊隱蹤無人知有路隔樹忽
聞鐘瀑壯山疑裂雲深寺若封或傳遺橐在三
叩昔時松

登黃岡清淮門

風吹蘆葉江頭路江水江天共秋暮邊淮寒早
客行稀只有征鴻向南去征鴻自去書不來遠
衣未寄憑誰催孤城慘咽暮笳起城下荒榛接
淮水

吾竹小橐

種竹

山居無力塵居俗有客勸予惟種竹種成貧家
可驟富翠色琅玕遶君屋清晨荷鋤斲溪岸分
得溪光入城綠暮年百事課功遲坐待春風滿
林玉

墨龍

真人尸居雷八荒斷甃殘墨生蒼茫鮪桓下睨
九淵黑神光倒射角與亢平聲明明元氣淋漓漬
水底焚槐海波赤周流萬化元無極姑使人心

識天則

湘江

湘江誰道無情水
寶瑟聲寒愁帝子
安知日月在中天
萬古重瞳元不死
楚南楚北千里雲
持香遙禮雲中君
莫起悲風助騷怨
蘭枯菊瘁不堪聞

東風

東風煦嫗如慈乳
欲報生成恨無所
自粘花片作斑衣
起捧春醪勸春舉
傷人笑我老如許
我

吾竹小豪

三讀書齋正本

亦笑渠將及汝梅花也
笑柳都舞君如不飲出
童叟

浙江

白鷗舊事隨波去
太極陰陽自吞吐
長虹夜貫黑頭船
四紀沙迎相公路
馮夷作劇真等閒
五都有客雄其閒
上林三官浪憂國
千年海底生銅山

檜瀑

媧皇失補天南角
一道銀河落君屋
又疑元氣

自周流不然瀉盡誰能續瀑邊老檜尤可人髯
疎骨瘦皮鱗皺崩崖欲壓全不懼夜半潛蛟暗
來去

富川邂逅戚叔開

百蟲阨螫鴈奔忙君從何來兩袂霜大冠如箕
盍齊魯此地無乃驚吠厖釣竿曾笑江湖窄尺
水詎容投牒介客取羝爲君向東轍一聲裂石
扶桑白

虎丘

吾竹小囊

四讀書齋正本

阿鴻血染吳苔碧氣徹重泉埋不得千年至寶
復歸天顛倒海中飛霹靂至今荒怪列虞初罅
石千尋駭遊客寺邊別廟是何神月黑伽籃問
周易

月

人言月裏仙人住隱約蒹蘿樹根兔元霜搗就
亦多年不見有人曾得度清光偏照邊城秋城
邊白骨胎王侯王侯白骨卒未已龜蚌吸月獨
不死

丹陽館

渡江第一南來驛幾度華堂延鴈客百年運逐
曉雲空愁殺鞦官老無職南徐今日古陽關不
斷歌聲祖離席國讎已復事尤多折損年年春
柳碧

富池廟

船頭蜀錦三千尺倒影長虹浸寒碧相逢不是
紫髯郎鸚鵡洲邊眼生棘江頭簫鼓雜靈鴉人
道陰兵曾護國安知樓下雪千堆不是吞曹氣

吾竹小臺

五讀書齋正本

衝激

秋日卽事

黃花暴日香欲醉黃蜂抱香暖欲睡老夫邂逅
亦欣然一段先天畫前意喧喧歸雀聒叢篁夕
風欲轉明朝霜花搖蜂醒我亦覺斜陽一片秋
茫茫

甲午江行

百川無敵大江流不與人閒洗舊讎殘虜自緣
他國廢諸公空負百年憂邊寒戰馬全裝鐵波

闢征船半起樓一舉盡收關洛舊不知銷得幾
分愁

寓興國之十詠亭呈諸友

斷垣荒棘疑無路忽有幽亭一畝餘不稱郡侯
來把酒偏宜野客借觀書臨塔汲水防苔滑隔
岸看山愛柳疎非有舊交時下顧十分風味落
樵漁

中年

中年已悟昔皆非正學無師更可悲詩道縱能

吾竹小豪

六讀書齋正本

通闔域聖經曾未涉藩籬擬從周子參無極更
爲東萊續近思適意舞雩時一詠區區何用苦
吟爲

寓泉之定空寺

齋鐘聲斷佛香銷閒步虛廊轉幾遭濁世自緣
君不見青山豈是俗難逃鳥如畱客音聲好松
似驕人意氣高因悟宿根元自有栽培功淺長
蓬蒿

掩卷

盈箱積案欲何如，誤盡蒼生半屬渠。
陸贄外誰無負學，臯陶前是讀何書。
鑿開素樸惟三畫，斲碎眞淳遂五車。
安得六經行世外，民風盡返結繩初。

謝胡默堂

初新小閣畫難成，冒借山翁養病身。
萬事不憂知有命，數椽分庇可無人。
觀書漆几明於鏡，欹枕藤牀軟勝茵。
終恐傷門心未穩，弊廬雖弊每馳神。

吾竹小窠

寓泉之安溪

已恨逢人語不通，更堪煙嶺隔千重。
山城縱是如花好，海霧終愁似墨濃。
遠信斷無鴻可寄，故鄉惟有月相逢。
閒於荔綠蕉紅處，步履時聞到晚鐘。

雪

無雨無雲曉色乾，忽驚瑰璧滿簷端。
不教聲到牕前覺，應恐愁添屋下寒。
占瑞農官尋玉尺，析醒公子索金盤。
柴門睡起無多事，捲上疎簾帶

竹看

關心

關心歲月似驚波，少日無成柰老何。別久帝京知事少，住長客舍識人多。典衣沽酒盃難滿，借壁題詩字易磨。早信出門無遇合，故山只合守樵柯。

通之海山樓落成

千尋雉堞一朝興，五馬行庖此落成。地峻鬼神愁設險，樓高星斗聽談兵。霞羞綵幟依山斂，月

吾竹小橐

八讀書齋正本

鬪金盃出海，明更有萬堆。飛石在，寄聲殘羯盍魂驚。

鳳凰臺

江山依舊昔人非，多少興亡問不知。鴈去又逢重到日，鳳歸安得再來時。風吹木葉隨漁艇，霜壓蘆花出酒旗。特地待吟吟未穩，數聲昏笛戍樓吹。

學道

學道先須學忍貧，緼袍蔬食當華珍。搥衣所欠

參前輩開卷猶欣見古人暗坐兩牕心似月冷
眠雪屋氣如春向來酷意耽吟事今亦相忘越
與秦

贈碧翰

鳶飛魚躍兩悠悠造物何心莫問休但得一盃
長在手不須萬戶更封侯人閒有夢何非蝶物
外忘機卽是鷗我亦青鞵行脚者會摩銅狄話
重遊

人才

吾竹小囊

九讀畫齋正本

但得人才卽治安不憂外侮敢相干學關世道
方爲士業曉農家始是官國力在兵堪用少虜
情如鬼欲驅難豈無一代奇男子抱膝無言靜
處看

和張梅深四首

幾踏槐花角寸長擔簦羞作老來忙立身早慕
千層塔閱世今知百戲場從辟穀來惟嗜酒自
栽梅後不燒香人生底爲青衫急亦有秋荷可
製裳

其二

不用悲歌撫缺長古無人可免身忙存心未必
耕無地涉世難忘邈有場新別水雲書尚溼舊
題松桂筆猶香只緣誤觸神丹走惆悵京塵澆
薜裳

其三

我策曾無一策長一生蟻踏歷閒忙持經佛寺
新投社寄食田家舊築場古劍放教龍逐伴殘
書分與蠹餐香不愁死去無名在化作千年老

吾竹小囊

十讀書齋正本

鶴裳

其四

鳧鶴都休較短長靜非無用動非忙閒將詩卷
拂科甲戲把文枰列戰場無地可施行話柄有
天須監格心香功名細看時來耳珍重漁蓑卽
袞裳

古出塞

初說戍漁陽俄傳出定襄朝朝征馬過春草不
會長

山月

山月共徘徊山泉酌一盃詩成無筆寫畫石記
蒼苔

書墨竹

伯夷有宿世契子猷結千古交煙外三葉五葉
雨中一梢兩梢

觀星

九天有象不虛呈歷歷都關國重輕漢客可無
經濟意只將牛女問君平

吾竹小篆

七讀畫齋正本

海陵

繞城無數菜花黃隔岸蒹葭接大荒不分塞鴻
偏得意年年春老未還鄉

海陵之堡城

四面蒹葭水接天中間一片是人煙相逢盡喜
干戈息白鷺飛來立戰船

傍城三十里芙蓉怪底繁華浙景無元是近邊
農事少全憑蓮藕當官租

邊聲藉藉早秋風稻未黃時棗又紅莫厭水鄉

遷避苦全家載入綠荷中

儀真

頻年歲稔少干戈到處人能販五河只道嗟舟
偏輻輳玉盃涇段近年多

多旨樓邊古柳斜龍淵寺裏隔荷花清風盡日
無人管半屬僧家半妓家

販來北棗堪充膳種得西瓜可析醒總是中原
舊風物不堪今日是邊城

晚涼

香竹小臺

十三讀畫齋正本

牕前灑地著胡牀浴罷閒來坐晚涼更取壁燈
移暗處待他月上竹邊牆

南山有梅花

南山有梅花高者五丈餘半空發清香天人爲
踟躕城中三尺本登盆綴流蘇進之畫堂上笑
彼何麤疎

山中吟七首

幽幽山上松泠泠松下井白石當銀牀清蘿作
脩綆山翁獨酌餘無客可堪請葛洪分煉丹陸

羽求煎茗

其二

采薇作庭實，紉蘭作筐篚。持以薦王公，謂可蘋藻比。王公齟齬謝，王門何用此。問客姓與名，或是孤竹子。

其三

山中夜讀書，山鬼來相試。隔牕問疑難，頗及堯舜事。予非卯金人，安能動星緯。劃然一推牕，餘音入空翠。

吾竹小臺

三讀書齋正本

其四

山翁不能文，亦免時流笑。早愛滄浪歌，知詞不知調。長年山水閒，所業只耕釣。偶得千齡龜，遂通八卦兆。

其五

山花開滿枝，山鳥啼無時。君胡欲棄此，自取塵汚爲。山猿嚙君屨，山鹿銜君衣。挽君君不畱，去終何歸。

其六

槲葉可以衣松實可療饑騎鹿下山去擬說高
人知高人不可得紛紛却語誰曉牕白雲過且
自相同歸

其七

題牋寄親友早早山中來紫芝既可採蟠桃行
當開持書託南風北風復吹回愛之不可見落
日令人哀

己酉客淮

烽燧春尤急人才歎寂寥恨無黃石略難致碧

吾竹小窠

十四讀畫齋正本

幢招守塹宵仍甲防城曉未橋又傳經一雪殘
哨亦蕭蕭

過黃山法華寺

積雪滿松崗茲行爲悼亡本非求吉地祇欲近
禪坊外物心如水流年鬢已霜只應雙卜宅永
此禮空王

送田耕月遊吳

衣笈詩囊外身輕費亦輕不妨船眼窄時上岸
頭行橘里逢霜信松江問水程吳中聞歲稔新

糴想須平

登橋仍問渡，迢遞到吳中。
倩僕挑茶竈，移船避釣筒。
月生林屋洞，潮接館娃宮。
得句人傳去，蘇牋價益穹。

此去姑蘇郡，都無五日程。
仍聞新太守，最重舊交情。
有句梅邊索，無田月下耕。
雙親方待養，吾亦勉君行。

潞江

遠樹一重重，煙村與市通。
難尋元亮宅，遙醉菊

吾竹小廬

五讀畫齋正本

花叢蜀浪帆，檣外廬山几。
席中何時邊，事息來此作漁翁。

吳門田家十詠

去年一澇失，冬收逋債於今尚。
未酬偶爲灼龜逢，吉兆再供租約賃耕牛。

竹簷兩兩夾河泥，近郭溝渠此最肥。
載得滿船歸，插種勝如賈販嶺南歸。

到處車聲轉水勞，東鄉人事獨逍遙。
一堤濫濫元非雨，總是吳江淡水潮。

今年田事謝蒼蒼儘有瓶罌卒歲藏只恐主家
增斛面雙鷄先把獻監莊

主家租入有常規十月開倉不許違占得頭籌
先衆了繞身紅綵送將歸

西鄉本是最高鄉今歲收成亦倍常瓦鼓綵亭
連日鬧誰家不謝白龍王

村村鼓笛樂秋成露未凝霜水未冰無賴酒家
偏罔利隔年早挂上元燈

田家少婦最風流白角冠兒阜蓋頭笑問傍人

吾竹小廬

十六讀畫齋正本

披得稱已遮日色又遮羞

長襟侈袖若僧衣閒蕩扁舟入郭嬉好是醉歸
村舍晚聲聲耳畔阿郎兒

主家文牘又圍田田甲科丁各備船下得椿深
笆土穩更遷垂柳護圍邊

劉寺

曾住昭陽殿裏頭何年香骨掩荒丘虛傳碧落
歸仙去誰見蒼梧從帝遊鸞閣粉銷塵影暗蜃
爐香冷石人愁風前不敢梅花折猶恐君恩寵

未休

宿廣果寺

寺門初掩夜沈沈
風逼燈寒檜影深
滿屋異香僧入幟
一甌新茗客搜吟
雲歸古殿聞龍氣
月照空池見佛心
坐久恰眠眠未穩
屋頭鐘起鵲驚林

金陵

虎踞龍蟠在目前
依前行闕鎖寒煙
津頭鼓角增新戍
陌上笙簫減舊年
高塔直看淮對境
斷

吾竹小豪

十七讀書齋正本

碑閒憶晉諸賢
我來尚喜秋成日
魚鱉堪賒滿市邊

拄杖

數節堅如玉
削成幾年出入伴
閒身扶持衰老非無術
變化虛空亦有神
藥籠倒挑同入市
酒壺斜挂共尋春
雖然未足顛危用
閒指迷津與路人

數椽

梅有清香竹有陰
數椽於此寄幽深
舊看歸鴈

拋孤旅新聽啼螿悔苦唵幾卷書皆先世迹一
張琴是古人心柴門未必無知己何必江湖在
遠尋

陳藏一山房

一室焚香卽太初萬人如海儘從渠第於心上
曾無著何必山中始去聲可居垂箔護花嫌引
蝶連筒汲井怕生魚草元政不妨人事問字敲
門未可疎

元日寓越之三江

吾竹小囊

六讀書齋正本

客裏元正最可憐就他香案禮蒼天懶拈著草
占新歲頻對菱花憶去年僅有邱翁分席拜不
如野老著衣鮮百年草草渾如此且醉殘梅了
目前

桂

天上分來種異常年年花占菊前黃堆將龍麝
應難敵隔盡屏帷亦透香此日且饒秋富貴全
家疑在月中央明朝酒醒風吹盡贏得黃金滿
步廊

滄浪亭

濯纓人去水空寒事屬明時欲問難日暮客歸
園館閉鷺鷥飛上石棊盤

子美故物惟石枰存

石湖

一片湖光接薜蘿功名餘事屬吟多至今魚鳥
皆堪敬曾見烏巾照碧波

乾隆壬寅十一月初五日宋刻校正

吾竹小橐

吾竹小橐

十九讀畫齋正本

皇
琴

曲

皇琴里曲耳詩不里號之里何居謙也偉鄧性
之爲詩颯颯者雅學豐詞不餒正氣充體不
頗卷若窄籠今古之變闕篇若少執乾坤之綱
多視代閒蠅音浮響家遂已蒙叟有知是當起
大聲不入里耳之歎皇琴哉詩世業乃精無六
一有槩否無東坡有過否有彝叔卽有性之彝
叔詩工如柳煙鷺曉障杏露蝶春糧如桃葉渡
江狂子敬梨花帶雨澹眞妃皆奇性之蓋出此
有夷仲卽有彝叔仲叔季父也東山楊伯子題

皇琴曲序

一
讀書齋藏本

仲集云半山絕句人以王二十八稱夷仲七言
請以鄧五十六稱彝叔又出此夷仲騷彝叔蒙
性之固應高杜氏一門審言也甫也荀鶴也越
世之三傳也詩品人品荀鶴俱下也鄧之傳三
世繼也性之非荀鶴比也淳祐十一年至朔大
山蕭山則序

皇琴曲

臨江鄧林 性之自號四清社友

南國有佳人

南國有佳人 仙姿自蓬島 龍綃照明璫 鳳釵橫 貴寶新妝試鸞鏡 皎皎顏色好 芳年倏已笄 君子可偕老 柰何行媒弱 脩言弃中道 洞房闈 悵悵琦璜結 組縞寧作鍾離春 勿學姑瑤草

效晉樂志拂舞歌淮南王二篇

東昏侯 自言安 仙華玉壽 浮雲端 繡

皇琴曲

一讀畫齋正本

窗錦幔 飄蜚僊 丹青美女 侍七賢 侍

七賢 奏笙歌 笙歌逸響 哀怨多 苑中

花木 費綺羅 我欲踰城 城有圍 願作

雙黃鶴 棲瑤池 棲瑤池 辟塵垢 至尊

屠肉 潘妃酤酒 石頭江上 龍駒走 三

月春風 弔楊柳

唐明皇 自言榮 金輿翠輦 游華清 廣

寒宮殿 凝水晶 霓裳羽衣 沈香亭 沈

香亭 汎流霞 流霞激灩 隊五家 誰知

野鹿 銜宮花 我欲度關 關有兵 願作
雙丹鳳 蜚瑤京 蜚瑤京 隱煙霧 錦綉
酥酪 香囊塵土 劍閣縈紆 家何許 梧
桐葉葉 鳴秋雨

劉阮

鹿車小宇宙據鞍常醉眠風塵瀕洞時杯裏全
其天伶達故自佳籍放乃無用試看勸進表何
似酒德頌

東山彭澤

皇孝曲

二讀畫齋正本

乞靈風鶴屐折齒壁後寘人汗如洗樵漁雜沓
坐林閒蜉蝣塵埃不可攀石頭擾擾柴桑閒

任彥升

鈴縣四角五采旗分明天產眞英奇阿堆文章
妙一時士林往往推元龜楊梅蜜領仁且慈桃
米麥飯清堪師何愁不得中書爲半生紆意梅
蟲兒

陶通明

眉疎目朗姿圓通詩書萬卷羅心曾華陽三茅

仙洞中鳳笙隱隱和松風
薪林圖讖呈梁公朱砂
會青霜雪容服之身體
飄輕鴻積金澗泉東復
東山中宰相那無功
昭陽竟作單于宮

綠珠詞

涼臺蕭灑臨清波
幄翠簾珠明綺羅
哀絲豪竹按新歌
紅潮素臉春風和
主君歡娛美人醉報
有無情使車至
幾叢蘭麝俱委塵
獨指綠珠可當意
衆中偏是承恩深
妾身雖賤無二心
君前判命效一死
玉笛收聲紅日沈
輕裾飄向闌干角
花鈿散地金釵落
到頭不負齊奴約
猶勝識字空投閣

皇孝曲

三二讀畫齋正本

玉兒

金蓮華上俞尼子
永壽神仙羅繡綺
苑中荆荻市令嚴
玉像支離瓦官寺
六宮鴨薊起淫風
太白便應縣姐已
此身冑許兜鍪夫
猛爲東昏判一死
到今羞殺賣降人
去作練兒梁姓臣

甕繭吟

有繭大如甕其來自扶桑
纒成白雪絲一縷萬

丈長染人嫁五色妙織雲錦章奇文雜經緯
素無晶光相纈時所愛輕練貴侯王緇衣不可
作此物閒筐箱袞職豈無闕終當補虞裳

結友四清

飄風吹游塵古道少人行涇水化爲泥滄江汙
吾纓嗟余佃工巧世外陶閒情衆芳怨蕪穢不
忍菴菴盈庾頌姿體澹渭川色青青三閭播秋
思九韶鏗樂聲蕭然庭宇中對之成五清滔滔
揚波者劒首一映輕靈脩黨見知冰霜愴姘名

皇孝由

四讀書齋正本

次韻陳鈞甫郊行

黃塵敗素意出門愜郊行
楚鞠含冷燄巖松起
寒聲高山唐業崇
流水晉時清
拾薪歸底用石
鼎待彌明

關山月

關山夜月明王襄分彩照胡兵江總將軍擁節起古樂

府長戍受降城江總焚烽望別壘陸瓊欲驗盈虛駛

張正塞笳將夜鵲阮卓戰氣今如此徐陵重關掩莫

煙賀力雲陣上祁連徐陵思婦高樓上徐陵遙心萬

里縣賀力

題劉功父與耕堂

默耕元不外靈臺何用錢添百屋堆甘雨每從
和氣出祥風常自善心來畛畦有礙皆除去境
界須寬更放開種德欲如多黍稌本仁先且護
根芟太平國裏青精飯永熟鄉中玉液杯會得
遺安龐老意力行好事厚栽培

書懷

西風吹羽扇吾道竟淒涼上坂勞騏驥低巢窠

皇夢由

五讀書齋正本

鳳凰可求非富貴無用是文章冉冉深林底幽
蘭正自香

眞陽峽

滿眼皆吟料歸囊未盡空江波連岸碧野火張
天紅高樹畱寒日長蘆轉晚風客身雖小艇心
已故山中

凌江灘

灘高舟去緩閒眺莫江濱竹本沙痕舊茅叢燒
色新青裙瓶汲澗白帽斧尋薪渺渺蠻煙起秋

風一旅人

近況

近況只如此深山無見聞
二中猶學道三上漫
攻文芸葉春繙日梨花曉
夢雲添香仍煮茗嚴
敬事天君

早過劉功父清溪

月裏山河大風前草木涼
征塵生杖屨香霧溼
衣裳古領板棲鶻荒蹊
蹴聚蝗白雲看未遠已
轉九回腸

皇夢由

曲江歸舟

只道篷低礙覓詩眼前物
色自多奇千山赭去
如秦樣一水清來似晉時
漁父豈無緣葦葦樵
人恐有負苓師僮奴忽報
梅花動春在江頭最
北枝

村居

古來村裏起功名當日南
陽亦是耕幾筆遠山
仁者靜半篙流水聖之清
晚風蟬響勝金奏夜
露螢光卽火城人得一閒
高一著不須史論又

詩評

感興

竹帛功名九折車棲遲巖野竟何如浣花溪上
尋佳句積穀山頭讀異書江左風流空醞藉淮
南煙景尚凋疎太平十二河汾策幾欲排雲謁
帝居

蛟峯先瑩

瘴蛟蟠伏鬣封孤雲黯幽亭日向脯雙柱千年
翔化鶴四山半夜泣於菟老天忍挫眞英物厚

皇琴曲

七讀書齋正本

地甘埋大丈夫無計發潛空涕落雨松霜柏照
煙蕪

賦江郊漁弋

占斷江山自一家寄情漁弋當生涯青楓翠竹
春屏葉白藕紅菱曉鏡花鴻鵠鵬鵬鵝鵝鵝鵝
魴鱖鯉鰻鱠鮓河陽書到君當起弩發千鈞釣
五車

豫章

郡名猶是漢流傳宇宙江山復幾年畫閣倚空

家十萬紅妝鬪夜妓三千層城歌舞秋風外故
國興亡夕照邊近歲潯陽成重鎮鎮南烏幕鎖
蒼煙

贛上思親

庭下青萱意自舒起居近日復何如熏香莫遣
衣篝潤餌藥從知酒琰疎教婦丁寧唯禮法要
孫久遠是詩書手中綫在常珍重空寫平安託
鯉魚

章貢祥符吳道士嬾窩

皇孝由

八讀書齋正本

早年收得自由身坐斷窩中嬾是真日短日長
唯守靜雲來雲去不生嗔破除機械鷗盟熟脫
略錙銖鶴料貧舊看黃庭猶忘卻應無心力對
閒人

江湖偉觀

世閒無盡是天游更出吳山最上頭江面春聲
潮卷雪湖心寒影月澄秋海門舟楫雲閒見瀛
嶼亭臺水載浮不比錢塘歌舞處遠懷西北有
神州

送徐權院奉戶檄之九江等郡

中邊瑩徹似冰壺空盡時情意氣殊已向銅龍
梯要路又隨玉馱駕征涂風生溢浦江流急雲
滿康廬夜月孤竭到東南無力了一分寬處是
規模

蘭

野客過門叫賣蘭清風便自逼人寒孤根未必
靈均種推作離騷輩行看

聞鷄

皇琴曲

九讀畫齋正本

不因風雨不分明羞殺譙樓打亂更世上公侯
多改節無人肯聽丑前鳴

晉武帝

秋風銅爵曲池平吳主宮娃滿掖庭憑仗皇孫
聰慧早不知禍在夕陽亭

左太沖

辛勤十稔賦三都聞者曾貽酒囊書它日洛中
添紙價陸家兄弟竟何如

朱彥和

文如玉海動時流曾以書棋伏隱侯武德閣前
消幾語却令梁氏缺金甌

任蠻奴

千里旌旗已渡江蠻奴苦諫喚蕭郎却持官裏
黃金去望拜韓擒石子岡

敬微

受用廬山水石奇亭亭霞外薜蘿衣侍中那抵
蘇門障笑死丹青陸探微

鄧郁

皇華曲

十讀畫齋正本

雲母餽糧五嶽樓繡桂少嫗導仙遊不應輕信
覆青鳥便遣東都事業休

石崇

梓澤神僊第一居爭豪不惜碎珊瑚荊州使客
知何罪未必亡身爲綠珠

張茂先

辨精龍肉亦奇才雄匣干將耿不回只守鷓冥
蚊睫賦天星未必折中台

王夷甫

玉塵消搖吐妙言清流都指作龍門白頭苟活
尊胡虜夜半排牆未是冤

張曲江祠

延英幾度獻忠言白羽它時賦感恩自是三郎
眞贗錯却將天寶換開元

貪泉

千古遺蹤散曉煙空餘兩字寺門前世閒貪者
滔滔是何必俱曾飲此泉

送衡山琴畫張道士二首

皇琴曲

十二讀畫齋正本

滿天風月澹消騷三尺枯桐古調高不敢問君
聽別操請彈二十五離騷
滿空煙雨澹模糊三尺霜縑老墨枯不敢問君
求別景請描七十二峯圖

桂村

翦翦霜風起晚吹一溪流水浸寒暉客衫猶恨
吳絲薄不道邊人盡鐵衣

利州進馬

靈關玉壘自崔嵬誰向西邊起禍胎萬里望

堯通一祝天基御馬利州來

過綠野

世上今無隱退風地名偶與午橋同往來怕看
銅駝陌閒倚柴門憶晉公

西湖

高價租船作勝游窮道那敢鬪風流西湖多少
閒春水不洗中原二百州

望和靖墓

孤山擎出水中央畱下梅花代代香滿酌湖波

皇琴曲

遙一醉問咸平事已荒涼

士讀畫齋正本

九里松

松是山靈一手栽堯天長就棟梁材龍髯怒起
春風急似怪遊人喝道來

乾隆壬寅十一月十四日宋刻校於知不足齋

皇琴曲

此五十詩老坡所謂淘鍊銀耶古如洞庭樂其
思幽律如嶰谷箏其和宣絕如喬木嚶其音活
非今調名曲那性之云擊壤曲也扣角曲也一
性情也蓄爲心曲發爲歌曲曲而不屈曲之眞
曲能有成曲之神神難言眞在人何惡乎曲云
曰曲義則美皇芩下里請奏曲終雅而易名以
大聲性之不磨淳祐辛亥臘小山蕭泰來書

皇芩曲跋

